



ШЕШІМ

РЕШЕНИЕ

2021 жылғы 9 желтоқсандағы

№ 80

Ақтөбе қаласы

город Актөбе

2022-2024 жылдарға арналған облыстық бюджет туралы

Қазақстан Республикасының Бюджет Кодексінің 8-бабының 2-тармағына, Қазақстан Республикасының «Қазақстан Республикасындағы жергілікті мемлекеттік басқару және өзін-өзі басқару туралы» Заңының 6-бабына, Қазақстан Республикасының «2022-2024 жылдарға арналған республикалық бюджет туралы» Заңына сәйкес Ақтөбе облыстық мәслихаты **ШЕШТІ:**

1. 2022-2024 жылдарға арналған облыстық бюджет тиісінше 1, 2 және 3 қосымшаларға сәйкес, оның ішінде, 2022 жылға мынадай көлемде бекітілсін:

1) кірістер – 358 809 879 мың теңге, оның ішінде:

салықтық түсімдер – 45 510 615 мың теңге;

салықтық емес түсімдер – 6 125 282 мың теңге;

негізгі капиталды сатудан түсетін түсімдер – 0 мың теңге;

трансферттер түсімдері – 307 173 982 мың теңге;

2) шығындар – 346 735 980 мың теңге;

3) таза бюджеттік кредит беру – -4 266 689 мың теңге, оның ішінде:

бюджеттік кредиттер – 2 062 911 мың теңге;

бюджеттік кредиттерді өтеу – 6 329 600 мың теңге;

4) қаржы активтерімен жасалатын операциялар бойынша сальдо – 0 мың теңге, оның ішінде:

қаржы активтерін сатып алу – 0 мың теңге;

мемлекеттің қаржы активтерін сатудан түсетін түсімдер – 0 мың теңге;

5) бюджет тапшылығы (профициті) – 4 184 242 мың теңге;

6) бюджет тапшылығын қаржыландыру (профицитін пайдалану) – -4 184 242 мың теңге, оның ішінде:

қарыздар түсімі – 2 062 911 мың теңге;

қарыздарды өтеу – 6 247 153 мың теңге.

2. 2022 жылға бөлінген салықтардан түскен жалпы соманы бөлу аудандардың және Ақтөбе қаласының бюджеттеріне мынадай мөлшерде белгіленсін:

1) төлем көзінде кірістерге салынатын жеке табыс салығы бойынша: Ақтөбе қаласы бойынша – 38 %, Байғанин ауданына – 50 %, Хромтау ауданына – 60 %, Мұғалжар ауданына – 80 % және Әйтеке би, Алға, Ырғыз, Қарғалы,

Мәртөк, Темір, Ойыл, Қобда, Шалқар аудандарына 100 %;

2) әлеуметтік салық бойынша: Ақтөбе қаласы бойынша – 38 %, Байғанин ауданына – 50 %, Хромтау ауданына – 60 %, Мұғалжар ауданына – 80 % және Әйтеке би, Алға, Бірғыз, Қарғалы, Мәртөк, Темір, Ойыл, Қобда, Шалқар аудандарына 100 %;

3) мұнай секторы ұйымдарынан түсетін түсімдерді қоспағанда, заңды тұлғалардан алынатын корпоративтік табыс салығы бойынша Ақтөбе қаласы бойынша – 100 %, Байғанин, Мұғалжар аудандарына – 50 %, Хромтау ауданына – 60 % және Әйтеке би, Алға, Бірғыз, Қарғалы, Мәртөк, Темір, Ойыл, Қобда, Шалқар аудандарына 100 %;

4) төлем көзінде салық салынбайтын кірістерге жеке табыс салығы бойынша, төлем көзінен салық салынбайтын шетелдік азаматтар табыстарынан ұсталатын жеке табыс салығы бойынша түсімдер Ақтөбе қаласы және аудандар бюджеттеріне толығымен есептеледі.

3. 2022 жылға арналған облыстық бюджетте облыстық маңызы бар қаланың бюджетінен және аудандық бюджеттерден облыстық бюджетке бюджеттік алып қоюлардың көлемі 6 855 000 мың теңге сомасында көзделсін, оның ішінде:

- Ақтөбе қаласы – 4 415 000 мың теңге;
- Мұғалжар ауданы – 2 388 000 мың теңге;
- Хромтау ауданы – 52 000 мың теңге.

4. 2022 жылға арналған облыстық бюджетке облыстық маңызы бар қаланың бюджетінен және аудандық бюджеттерден облыстық бюджетке 67 237 661 мың теңге сомасында трансферттер түсімдері көзделсін:

Облыстық маңызы бар қаланың бюджетінен және аудандық бюджеттерден трансферттердің көрсетілген сомаларының облыстық бюджетке түсімдері облыс әкімдігі қаулысы негізінде айқындалады.

5. Қазақстан Республикасының «2022-2024 жылдарға арналған республикалық бюджет туралы» Заңының (әрі қарай – Заңы) 9 - бабына сәйкес белгіленгені ескерілсін және басшылыққа алынсын:

2022 жылғы 1 қаңтардан бастап:

- 1) жалақының ең төменгі мөлшері – 60 000 теңге;
- 2) зейнетақының ең төменгі мөлшері – 46 302 мың теңге;
- 3) Қазақстан Республикасының заңнамасына сәйкес жәрдемақыларды және өзге де әлеуметтік төлемдерді есептеу үшін, сондай-ақ айыппұл санкцияларын, салықтар мен басқа да төлемдерді қолдану үшін айлық есептік көрсеткіш – 3 063 теңге;

4) базалық әлеуметтік төлемдердің мөлшерін есептеу үшін ең төменгі күнкөріс деңгейінің шамасы – 36 018 теңге.

6. Заңның 12-бабына сәйкес 2022 жылғы 1 қаңтардан бастап әскери қызметшілерге (мерзімді қызметтегі әскери қызметшілерден басқа) және арнаулы мемлекеттік және құқық қорғау органдарының, мемлекеттік фельдъегерлік қызметтің қызметкерлеріне тұрғынжайды күтіп-ұстауға және коммуналдық қызметтерге ақы төлеуге ақшалай өтемақының айлық мөлшері

3 739 теңге сомасында белгіленгені ескерілсін және басшылыққа алынсын.

7. Заңның 13-бабына сәйкес 2022 жылға республикалық бюджеттен облыстық бюджетке берілетін субвенция 111 182 382 мың теңге сомасында көзделді.

8. 2022 жылға арналған облыстық бюджетте облыстық бюджеттен аудандық бюджеттерге берілетін субвенциялар көлемі 38 084 000 мың теңге сомасында көзделсін, оның ішінде:

Әйтеке би ауданына	–	4 137 000 мың теңге;
Алға ауданына	–	4 535 000 мың теңге;
Байғанин ауданына	–	548 000 мың теңге;
Бұрғыз ауданына	–	3 748 000 мың теңге;
Қарғалы ауданына	–	3 100 000 мың теңге;
Мәртөк ауданына	–	4 787 000 мың теңге;
Темір ауданына	–	3 008 000 мың теңге;
Ойыл ауданына	–	3 915 000 мың теңге;
Қобда ауданына	–	4 186 000 мың теңге;
Шалқар ауданына	–	6 120 000 мың теңге.

9. 2022 жылға арналған облыстық бюджетте республикалық бюджеттен ағымдағы нысаналы трансферттер түскені ескерілсін:

1) ішкі істер органдары қызметкерлерінің лауазымдық айлықақыларын көтеруге;

2) объектілерді күзету функцияларын бәсекелес ортаға беруге;

3) арнаулы мекемелердің, айдауыл қызметінің, кезекші бөлімдердің және жедел басқару орталықтарының, кинологиялық бөлімшелердің қызметкерлеріне және учаскелік полиция инспекторларының көмекшілеріне тұрғын үй төлемдеріне;

4) ішкі істер органдарының азаматтық қызметшілерінің қатарындағы медицина қызметкерлерінің жалақысын арттыруға;

5) инвестициялық салымдар кезінде балық шаруашылығы субъектісі шеккен шығыстардың бір бөлігін өтеуге;

6) инвестициялық салымдар кезінде агроөнеркәсіптік кешен субъектісі шеккен шығыстардың бір бөлігін өтеуге;

7) агроөнеркәсіптік кешен субъектілерінің қарыздарын кепілдендіру және сақтандыру шеңберінде субсидиялауға;

8) агроөнеркәсіптік кешен субъектілерін қаржылық сауықтыру жөніндегі бағыт шеңберінде кредиттік және лизингтік міндеттемелер бойынша пайыздық мөлшерлемені субсидиялауға;

9) ауыл шаруашылығы жануарларын, техниканы және технологиялық жабдықтарды сатып алуға кредит беру, сондай-ақ, лизинг кезінде сыйақы мөлшерлемелерін субсидиялауға;

10) саны зиян тигізудің экономикалық шегінен жоғары зиянды және аса қауіпті зиянды организмдерге және карантинді объектілерге қарсы өңдеу

жүргізуге арналған пестицидтердің, биоагенттердің (энтомофагтардың) құнын субсидиялауға;

11) мемлекеттік атаулы әлеуметтік көмек төлеміне;

12) үкіметтік емес ұйымдарда мемлекеттік әлеуметтік тапсырысты орналастыруға;

13) Қазақстан Республикасында мүгедектердің құқықтарын қамтамасыз ету және өмір сүру сапасын жақсартуға;

14) кохлеарлық импланттарға сөйлеу процессорларын ауыстыру және теңшеу жөніндегі көрсетілетін қызметтерге;

15) мүгедектерді жұмысқа орналастыру үшін арнайы жұмыс орындарын құруға жұмыс берушінің шығындарын субсидиялауға;

16) мемлекеттік ұйымдардың: стационарлық және жартылай стационарлық үлгідегі медициналық-әлеуметтік мекемелер, үйде қызмет көрсету, уақытша болу ұйымдары, халықты жұмыспен қамту орталықтары қызметкерлерінің жалақысын көтеруге;

17) азаматтық қызметшілердің жекелеген санаттарының, мемлекеттік бюджет қаражаты есебінен ұсталатын ұйымдар қызметкерлерінің, қазыналық кәсіпорындар қызметкерлерінің жалақысын көтеруге;

18) мектепке дейінгі білім беру ұйымдары педагогтерінің еңбегіне ақы төлеуді ұлғайтуға;

19) мемлекеттік мектепке дейінгі білім беру ұйымдарының дене шынықтыру педагогтеріне сабақтан тыс іс-шараларды өткізгені үшін қосымша ақы төлеуге;

20) мемлекеттік мектепке дейінгі білім беру ұйымдарының педагогтеріне біліктілік санаты үшін қосымша ақы төлеуге;

21) үш жастан алты жасқа дейінгі балаларды мектепке дейінгі тәрбиемен және оқытумен қамтуды қамтамасыз етуге;

22) мектепке дейінгі білім беру ұйымдарының медицина қызметкерлерінің еңбегіне ақы төлеуді ұлғайтуға;

23) мемлекеттік орта білім беру ұйымдарында жан басына шаққандағы қаржыландыруды іске асыруға;

24) ересектерге арналған қосымша білім беру ұйымдарын қоспағанда, мемлекеттік білім беру ұйымдары педагогтерінің еңбегіне ақы төлеуді ұлғайтуға;

25) ересектерге арналған қосымша білім беру ұйымдарын қоспағанда, мемлекеттік білім беру ұйымдарының педагогтеріне біліктілік санаты үшін қосымша ақы төлеуге;

26) мемлекеттік орта білім беру ұйымдарының дене шынықтыру педагогтеріне сабақтан тыс іс-шараларды өткізгені үшін қосымша ақы төлеуге;

27) мемлекеттік орта білім беру ұйымдарының әдістемелік орталықтарының (кабинеттерінің) әдіскерлеріне магистр дәрежесі үшін қосымша ақы төлеуге;

28) ересектерге арналған қосымша білім беру ұйымдарын қоспағанда, мемлекеттік білім беру ұйымдарының медицина қызметкерлеріне еңбегіне ақы төлеуді ұлғайтуға;

29) мемлекеттік техникалық және кәсіптік, орта білімнен кейінгі білім беру ұйымдарының дене шынықтыру педагогтеріне сабақтан тыс іс-шараларды өткізгені үшін қосымша ақы төлеуге;

30) мемлекеттік техникалық және кәсіптік, орта білімнен кейінгі білім беру ұйымдары педагогтерінің еңбегіне ақы төлеуді ұлғайтуға;

31) мемлекеттік техникалық және кәсіптік, орта білімнен кейінгі білім беру ұйымдарының педагогтеріне біліктілік санаты үшін қосымша ақы төлеуге;

32) мемлекеттік техникалық және кәсіптік, орта білімнен кейінгі білім беру ұйымдарындағы медицина қызметкерлерінің еңбегіне ақы төлеуді ұлғайтуға;

33) көпбалалы және аз қамтылған отбасылардың балалары үшін жоғары білімі бар мамандарды даярлауға мемлекеттік білім беру тапсырысын орналастыруға;

34) медициналық ұйымның жыныстық құмарлықты төмендететін, сот шешімі негізінде жүзеге асырылатын арналған іс-шараларды өткізуіне;

35) қаржы лизингі шарттарымен сатып алынған санитариялық көлік бойынша лизинг төлемдерін өтеуге;

36) вакциналарды және басқа да иммундық-биологиялық препараттарды сатып алуға;

37) салауатты өмір салтын насихаттауға;

38) ЖИТС профилактикасы және оған қарсы күрес жөніндегі іс-шараларды іске асыруға;

39) жергілікті атқарушы органдардың денсаулық сақтау саласындағы ұйымдары қызметкерлерінің жалақысын көтеруге;

40) техникалық және кәсіптік білім беру ұйымдарында білім алушыларға мемлекеттік стипендияның мөлшерін ұлғайтуға;

41) тергеу изоляторларында және қылмыстық-атқару жүйесі мекемелерінде ұсталатын адамдарға медициналық көмек көрсетуге;

42) мемлекеттік мәдениет ұйымдарының және архив мекемелерінің басқарушы және негізгі персоналына мәдениет ұйымдарындағы және архив мекемелеріндегі ерекше еңбек жағдайлары үшін лауазымдық айлықақысына қосымша ақылар белгілеуге;

43) дене шынықтыру және спорт саласындағы мемлекеттік орта және қосымша білім беру ұйымдары педагогтерінің еңбегіне ақы төлеуді ұлғайтуға;

44) «Ауыл-ел бесігі» жобасы шеңберінде ауылдық елді мекендердегі әлеуметтік және инженерлік инфрақұрылым жөніндегі іс-шараларды іске асыруға;

45) «Бизнестің жол картасы-2025» бизнесті қолдау мен дамытудың мемлекеттік бағдарламасы шеңберінде жаңа бизнес-идеяларды іске асыру үшін жас кәсіпкерлерге мемлекеттік гранттар беруге;

46) көлік инфрақұрылымының басым жобаларын қаржыландыруға;

47) аудандық маңызы бар қалалар, ауылдар, кенттер, ауылдық округтер әкімдері сайлауын қамтамасыз етуге және өткізуге;

48) нәтижелі жұмыспен қамтуды дамытуға;

Аталған ағымдағы нысаналы трансферттердің сомаларын бөлу облыс әкімдігінің қаулысы негізінде айқындалады.

10. 2022 жылға арналған облыстық бюджетке республикалық бюджеттен кредиттер түскені ескерілсін:

1) мамандарды әлеуметтік қолдау шараларын іске асыруға;

2) кондоминиум объектілерінің ортақ мүлкіне күрделі жөндеу жүргізуге.

Аталған кредиттердің сомаларын бөлу облыс әкімдігінің қаулысы негізінде айқындалады.

11. 2022 жылға арналған облыстық бюджетте облыстық маңызы бар қаланың бюджетіне және аудандық бюджеттерге ағымдағы нысаналы трансферттер және даму трансферттері көзделсін:

1) коммуналдық тұрғын үй қорының тұрғын үйін салуға және (немесе) қайта жаңғыртуға;

2) мемлекеттік атаулы әлеуметтік көмек төлеуге;

3) инженерлік-коммуникациялық инфрақұрылымды дамытуға және (немесе) жайластыруға;

4) «Ауыл-Ел бесігі» жобасы шеңберінде ауылдық елді мекендерде әлеуметтік және инженерлік инфрақұрылымды дамытуға;

5) коммуналдық шаруашылықты дамытуға;

6) жылу-энергетикалық жүйені дамытуға;

7) ауылдық елді мекендерді сумен жабдықтау және су бұру жүйелерін дамытуға;

8) газ тасымалдау жүйесін дамытуға;

9) көлік инфрақұрылымын дамытуға;

10) көлік инфрақұрылымының басым жобаларын қаржыландыру;

11) «Ауыл-Ел бесігі» жобасы шеңберінде ауылдық елді мекендердегі әлеуметтік және инженерлік инфрақұрылым бойынша іс-шараларды іске асыруға;

12) нәтижелі жұмыспен қамтуды дамытуға.

Аталған трансферттер мен кредиттердің сомаларын бөлу облыс әкімдігінің қаулысы негізінде айқындалады.

12. Облыстың жергілікті атқарушы органының 2022 жылға арналған резерві 996 412 мың теңге сомасында бекітілсін.

13. 2022 жылға арналған облыстық бюджетті атқару процесінде секвестрлеуге жатпайтын облыстық бюджеттік бағдарламалардың тізбесі 4-қосымшаға сәйкес бекітілсін.

14. Осы шешім 2022 жылғы 1 қаңтардан бастап қолданысқа енгізіледі.

**Облыстық мәслихаттың
хатшысы**

А. Нугманов

Қазақстан Республикасының Әділет министрлігі
облысының/қаласының Әділет департаменті
Нормативтік құқықтық акті 22.12.2021
Нормативтік құқықтық актілерді мемлекеттік
тіркеудің тізіліміне № 25883 болып енгізілді

Результаты согласования

Актюбинский областной маслихат - Руководитель аппарата Тимур Владимирович Айткалиев, 09.12.2021
21:13:35, положительный результат проверки ЭЦП

Актюбинский областной маслихат - Секретарь областного маслихата Амангельды Шайхуллович Нугманов,
09.12.2021 21:22:08, положительный результат проверки ЭЦП